

7 JAN 1996

ANWAR HADIRI JAMUAN MALAM SEMPENA DIALOG PASIFIK

KUALA LUMPUR, 7 Jan (Bernama) -- Timbalan Perdana Menteri Datuk Seri Anwar Ibrahim menghadiri jamuan malam di sini sempena Dialog Pasifik Kedua yang bermula esok.

Kira-kira 200 tetamu menghadiri jamuan itu anjuran Presiden Hicom Holdings Berhad Datuk Seri Yahaya Ahmad.

Yang turut hadir ialah isteri Timbalan Perdana Menteri Datin Seri Dr Wan Azizah Ismail, para timbalan menteri, anggota parlimen dan tokoh korporat.

Ketua Menteri Pulau Pinang Tan Sri Dr Koh Tsu Koon dan Ketua Pengarah Institut Kajian Strategik dan Antarabangsa (ISIS) Datuk Dr Noordin Sopiee juga hadir.

Perdana Menteri Datuk Seri Dr Mahathir Mohamad akan merasmikan dialog dua hari itu anjuran bersama ISIS, Pusat Dasar Asia Pasifik (APPC) dan Institut Kajian Dasar. -- BERNAMA